



MEMORIA DE ACTIVIDADES 2015

Colectivo de Universitarios Activos (CUAC)

1. XESTIÓN DA EMISORA COMUNITARIA CUAC FM.

A **asociación cultural Colectivo de Universitarios Activos -CUAC-** é unha asociación sen ánimo de lucro que traballa fundamentalmente no eido cultural e da comunicación social, sendo **propietaria da emisora comunitaria CUAC FM** que, de maneira completamente precursora e innovadora, facilita o acceso da cidadanía de forma individual ou organizada a formar parte activa dun medio de comunicación social independente e sen ánimo de lucro.

Cuac FM é unha radio comunitaria. Unha radio comunitaria é unha emisora privada , **sen ánimo de lucro**, que ten un **fin social: garantir o exercicio do dereito de acceso á comunicación e a liberdade de expresión** da cidadanía. Diríxese e débese á comunidade, cumpre unha finalidade social e está **aberta á participación** o máis ampla posible respecto **á propiedade do medio e o acceso á emisión**, así coma ás diversas decisións de programación, administración, financiamento e avaliación, que non ten fins de lucro e que non realiza proselitismo relixioso nin partidista. En CUAC participan persoas físicas e xurídicas, funciona dun xeito participativo e horizontal, a través da asemblea, das coordinadoras e dos grupos de traballo.

Queremos resaltar que **todas as actividades** que se describen nesta memoria están **desenvolvidas por socios e socias** de CUAC, de maneira **voluntaria, sen ningún tipo de remuneración económica**. A iso hai que sumar todas as actividades sen tanta visibilidade que desenvolven as persoas que forman parte do Consello de Coordinación de CUAC FM.

UNHA ACTIVIDADE DIARIA, OS 365 DÍAS DO ANO. CUAC vén desenvolvendo, dende o ano 1996, unha actividade de emisión radiofónica en directo e continuada os 365 días do ano, a través do dial 103.4 da FM e da web www.cuacfm.org. Nestes máis de 19 anos de emisión, superouse o número de **440 programas**, sendo máis de 1.000 as persoas que fixeron radio e innumerables os convidados aos diversos programas. E todo isto facendo unha **actividade diaria** (de luns a domingo) durante 12 meses ao ano. Cabe destacar que CUAC FM non ten rexeitado nin un só dos proxectos presentados a para a súa

emisión.

RENOVACIÓN DO MATERIAL TÉCNICO E AUDIOVISUAL DO ESTUDIO JOSÉ COUSO DA ZAPATEIRA

Dende o punto de vista do material técnico foi un exercizo intenso. Despois de experimentar problemas ca mesa de misturas principal do estudio de emisión José Couso, chegou o momento de substituíla. Non deixa de ser un cambio bastante crítico, xa que é a ferramenta principal que se emprega para a produción radiofónica.

A consola escollida para substituír á AEQ BC 500 que nos acompañou durante os últimos 14 anos foi o modelo D&R Airence. Na escolla pesaron diferentes criterios: o primeiro o custe, moi inferior á de modelos máis na liña do equipamento anterior. O segundo a innovación tecnolóxica, xa que o novo equipo xa está concebido para funcionar en entornos informatizados e responde a patróns de operación máis contemporáneos. E o terceiro e menos importante o deseño, tamén máis moderno, que nos obrigou a abordar unha pequena reforma no control do Jose Couso.



Locutorio de Cuac 2013

Queda así bastante avanzada a execución do plan técnico de reforma das capacidades de emisión, que comezamos no exercicio pasado ca reforma estética do locutorio do estudio José Couso. A evolución do locutorio e ista:

Aproveitando que había que afrontar unha reforma para instalar a nova consola de mesturas, instalamos tamén novos elementos, entre os que destacan a extensión do acondicionamento acústico e as novas pantallas de visualización, material cedido a Cuac FM en virtude dun convenio asinado ca Fundación Paideia, e que se estende tamén ás instalacións da Escola de Radio e Asociacionismo como falaremos máis adiante.




Locutorio de Cuac 2015

Pola súa banda a reforma do equipamento de control deixa o seguinte aspecto:



Control Cuac 2014



Control Cuac 2015

RENOVACIÓN DA PÁXINA WEB DE CUAC FM

Outro dos traballos que afrontamos neste ano foi a completa renovación da páxina web da emisora e da asociación. Incrementamos cuantitativa e cualitativamente o nivel de información disponible para as nosas asociadas para a audiencia. Así, ademais das seccións habituais de GRELLA, programas comunitarios ou información dirixida aos socios/as, a nova Web incorpora una nova sección de PROXECTOS nos que nos vemos envoltos, un espazo de arquivo de audios da PROGRAMACIÓN, unha sección de NOVAS que da conta de todas as actividades que facemos e a FORMACIÓN que impartimos.

A web integrou a súa PORTADA e a sección de DIRECTO coas visualización das REDES SOCIAIS (Facebook e Twitter) e a incorporación nun CHAT que permite interactuar coa audiencia dende a nosa propia web. Recomendamos unha visita a <https://cuacfm.org> para ver e escoitar todos os contidos da nosa emisora.



EN DIRECTO

Somos o medio comunitario da Coruña que emite no 103.4 FM desde 1996



Emisión en directo

Escóta as 24 horas do día a nosa emisión en internet



Programación

Consulta a nosa grella de programas para non perder nada



App Android

Escóta a radio e os podcast dos programas no teu dispositivo Android



App iPhone

Escóta a radio e os podcasts dos programas no teu dispositivo iOS



2. PRODUCCIÓN COMUNITARIA

CUAC FM oferta unha programación especializada e de calidade que a ten convertido na emisora radiofónica de eido local con maior número de horas de produción propia, así coma na emisora privada que máis horas emite en lingua galega. Así mesmo, cabe destacar que os contidos de CUAC FM teñen unha clara orientación social, cultural e educativa, caracterizándose pola súa especialización e diferenciación, acollendo temáticas cuxo tratamento en profundidade non ten cabida noutras radios convencionais: música local e minoritaria, música tradicional e de grupos galegos, programas de divulgación científica e medio ambiente, cobertura de movementos culturais minoritarios, programas xuvenís, deporte local, saúde, sensibilización na igualdade, etc.

INFORMATIVO LOCAL AR DE CORUÑA.

Un exemplo da actividade dinamizadora e cultural de CUAC FM é a produción do informativo local “Ar de Coruña”, que de maneira comunitaria se realizou cada mes dende a coordinadora de Contidos da emisora. Este programa comunitario ten coma obxectivo manter ao día á cidadanía da súa realidade máis próxima. Ar de Coruña emítiuse tódolos últimos sábados de mes entre as 12:00 e as 14:00 horas. Contou coa colaboración de representantes das asociacións de veciños e colectivos sociais e culturais de toda a cidade. Ademais, participaron expertos en música e teatro, deporte local, saúde e humoristas coruñeses que deron o mellor de seu no único magazine que dedica a súa programación especial a coñecer os barrios da Coruña.

PROGRAMACIÓN ESPECIAL.

Queremos destacar aquí os programas especiais que se fan de maneira comunitaria e puntual dende a coordinadora de Contidos de CUAC FM (con independencia da programación habitual), pois moitos deles supoñen a realización en directo de programas fóra das instalacións da emisora. Todos estes programas están dispoñibles na nosa Web para a súa escoita:

- **Programa “Especial Día da Ciencia na Rúa”** (9 Maio 2015) programa en directo de 3 horas de duración, que se realizou dende a Casa das Ciencias da Coruña, e que contou coa colaboración do Concello da Coruña e da Asociación de Amigos da Casa das Ciencias. A produción e emisión deste programa comunitario contou coa colaboración de 12 socios e socias de CUAC *in situ*, ademais da xente que fixo a produción previa. Un programa presentado por Isabel Lema e Samuel Sánchez Cao. No traballo de rexiduría estiveron Mónica Alonso e José Lemur. No apartado técnico, Alex Cortiñas, Iverson e Chema Casanova. Os nosos reporteiros dicarareiros foron Rubén “Orión” e Paula Veira. No traballo de documentación e produción estiveron Bea Ulalume e Gema Millán.

Arquivo de audio: Todos os audios están colgados en bloques de 30 minutos na nosa web: <https://cuacfm.org/dia-da-ciencia-na-rua>

- **Cobertura especial “Eleccións Municipais 2015”** (Maio 2015). CUAC FM realizou unha cobertura especial das eleccións municipais 2015 co fin de ofrecer á cidadanía da Coruña unha información electoral que favoreza a pluralidade política e social, o tratamento en profundidade das temáticas locais e as solucións electorais que lle dan os partidos e outorgue á cidadanía a información precisa para exercer o seu dereito ao voto dunha maneira libre e informada. Durante a campaña electoral CUAC FM **convidou a todos os candidatos e candidatas das nove candidaturas** que se presentan á alcaldía da Coruña, entrevistándose individualmente a: Mar Barcón (PSdG-PSOE), Carlos Oliva (UPyD), Xulio Ferreiro (Marea Atlántica), Roberto Martínez Anido (Alternativa dos Veciños), Carlos Marcos (Unión Coruñesa), Adrián García Alonso (PACMA), Patricia Pertierra (Ciudadanos), Xosé Manuel Carril (BNG-Asambleas Abertas) e Miguel Lorenzo (Partido Popular).

O domingo 24 de xuño, CUAC FM realizou un **programa informativo especial** de seguimento dos resultados electorais que comezou ás 14:00 horas cun **boletín informativo**, continuando cun segundo boletín ás 16:00. Dende as 19:30 e ata as 1:30 da mañá, CUAC FM realizou un **programa especial Eleccións Locais que cubriu minuto a minuto, en directo, os resultados dos comicios** municipais, grazas a un **equipo de 20 voluntarios/as** que nos contaron o que estaba a pasar nas sedes electorais dos distintos partidos políticos, seguindo o que acontecía tamén noutras cidades galegas, estatais e nas comunidades autónomas con eleccións parlamentarias. A través da nosa nova web e das redes sociais miles de coruñeses seguiron a nosa emisión.

Unha cobertura electoral realizada por Isa Lema, Tomi Desastre, Ozzy de Castro, Lucas Díaz, Javier Sal, Mariano Fernandez, Álex Cortiñas, Bea Ulalume, María Nieto, Chema Casanova, Roberto Ansele, Antonio Prado, Diego de la Vega, Iverson, Javier Pereira, Kevin Martínez, Lucía Pita, Garou Catoira, Mónica Alonso e Pepa Díaz.

Arquivo de audio: Todos os audios, das entrevistas e do programa especial, están colgados en bloques na nosa web: <https://cuacfm.org/elecciones-locais-2015>.

- **Colaboración con AMARC e a FAO na campaña “Historias de los suelos”** (xuño, 2015). O ano 2015 foi declarado Ano Internacional dos Solos pola ONU e CUAC FM colaborou coa **Asociación Mundial de Radios Comunitarias** (AMARC) e a Organización das Nacións Unidas para a Alimentación e a Agricultura (FAO) no proxecto **“Historias de los suelos: una serie radial”**. CUAC FM participou nesta campaña cunha **producción radiofónica sobre a recuperación dos solos contaminados en Galicia**, na que entrevistou ao profesor Felipe Macías, Catedrático de Edafología da Universidade de Santiago de Compostela. *Arquivo de audio:* **A entrevista pódese escoitar na Web da Asociación Mundial de Radios Comunitarias (AMARC):** <http://www.amarc.org/?q=node/2297>. Unha produción de Bea Ulalume e Isa Lema.

- **Cobertura especial “Eleccións á Reitoría da Coruña”** (decembro 2015). O 3 de decembro de 2015 celebráronse na Universidade da Coruña as **eleccións á reitoría**, que escolleron ao reitor e ao equipo que gobernará a universidade nos vindeiros catro anos. Dende CUAC FM fixemos unha cobertura especial que consistiu
 - Nun **debate en directo cos dous candidatos** á reitor, que se emitiu o **sábado 28 de novembro ás 12 da mañana**. debate seguiu no 103.4 da FM (A Coruña) e a través do noso streaming na web cuacfm.org/directo con moita participación da audiencia a través do Chat de Cuac FM e a través das redes sociais.
 - Unha **entrevista individual** a cada un dos candidatos, **Julio Abalde** e **Daniel Pena**, que se emitiu en diferentes horarios dentro da programación de CUAC FM.

O equipo especial de CUAC FM estivo conformado por Bea Ulalume, Isa Lema, Roberto Ansele, Mariano Fernández, Tomi Desastre, Rodrigo Gil e Javier Pereira.

Arquivo de audio: A cobertura está dispoñible na nosa web: <https://cuacfm.org/elecciones-udc-2015/>

OBRADOIRO DE FICCIÓN (RADIOTEATRO): Producción e emisión da radionovela: “La Resistance”.

“La Resistance” É unha **producción radiofónica en formato de radionovela** dirixida, producida e interpretada polos membros do obradoiro de ficción de CUAC FM.

La Resistance estreouse na sintonía de CUAC FM co gallo das letras galegas, o **17 de maio de 2015**. Emítese en diferentes horarios, ao longo do mes de xuño na programación da nosa emisora.

Dirección artística: **Mónica (A Cantante Calva)** e **Bea Ulalume**. Dirección técnica: **Kurt** (Javier Alonso). Actrices/actores: **Cris Lede, Luix Kaf, Isa Lema, Gema Millán, Saul Pushkin, Ana Eva Suárez e Mónica Alonso**. O ilustrador **David Levy** (Slight-Shift) para o uso da fermosa imaxe do proxecto.

Arquivo de audio: La Resistance ten o seu propio espazo na Web de CUAC FM onde se poden escoitarse e descargar os audios: <https://cuacfm.org/la-resistance/>



“LA RESISTANCE”

LA RESISTANCE é unha obra de teatro radiofónica resultado dun traballo de colaboración entre CUAC FM e **Walkitalkies radioteatro**. Esta obra de teatro, concebida baixo o formato de “radio-novela”, foi escrita polos autores galegos **Carlos Losada** e **Begoña García**.

LA RESISTANCE foi dirixida, producida e interpretada polos membros do **obradoiro de ficción de CUAC FM**.

A estrea mundial de **La Resistance** foi o día das letras galegas, o 17 de maio de 2015, un pequeno recoñecemento de CUAC FM a todos os autores e creadores na nosa lingua, especialmente aos que, a pesares das dificultades, seguen coa ilusión de crear pequenas xoias coma esta a partir da imaxinación e o amor polo teatro.

ESCOITA “LA RESISTANCE”

“No verán de 1944 a ocupación nazi de Francia vai polo seu cuarto ano. Son tempos ruins e escuros. Tempos onde todo o que hai de bo no espírito humano é posto a proba. Tempos nos que uns poucos ousados manteñen prendida a esperanza nun vindeiro albor de liberdade, beleza e amor. Eses foron os tempos que lle tocaron vivir a Frederick Frincht, un deses ousados que baixo os bombardeiros, a morte e o horror mantivo viva a esperanza no seu amor verdadeiro”.

CAPÍTULO 1. FREDERICK FRINTCH, SUPOÑO.



CAPÍTULO 2. TODO VAI BEN MIÑA LADY, MOI BEN.




CAPÍTULO 3. AS BAVARAS NON CHORAN.



CAPÍTULO 4. OUI, C'EST MOL.



CAPÍTULO 5. TOMA SOLUCIÓN FINAL, MALA BESTA!



3. FORMACIÓN RADIOFÓNICA E DE MEDIOS COMUNITARIOS.

CUAC FM ofrece diferentes tipos de formación en radiofonía e medios comunitarios. Por unha banda, imparte nas súas instalacións obradoiros ás persoas e colectivos asociadas. Estes obradoiros abarcan dende formación básica en comunicación, medios comunitarios, produción, locución e control técnico, ata formación especializada en ferramentas específicas de interese para estas persoas na realización dos seus programas de radio.

Por outra banda, CUAC ofrece tamén obradoiros de formación básica en radiofonía e medios comunitarios á cidadanía non asociada ao colectivo. Estes obradoiros organízanse en colaboración con diferentes entidades, xeralmente nas instalacións destas. Ademais, CUAC ten videotutoriais en internet aos que pode acceder calquera persoa.

PLAN ANUAL DE FORMACIÓN RADIOFÓNICA

CUAC desenvolve nas súas instalacións, ao longo do ano e con periodicidade mensual, un programa de formación dirixido aos socios/as de CUAC FM, á comunidade universitaria e a calquera colectivo ou persoa interesada en facer un programa de radio, que abarca os contidos relacionados coa locución, realización e produción radiofónicas.

- **Iniciación á comunicación radiofónica (2014-2015).** Programa formativo dirixido a persoas sen coñecementos previos de comunicación radiofónica que se realizan con carácter mensual, cunha duración de 10 horas (6 teóricas + 4 prácticas). Dende xaneiro de 2015 ata decembro de 2015, CUAC celebrou 6 edicións do curso de iniciación formando a un total de 30 alumnos/as.

Os contidos do programa formativo son: *Módulo 1:* Asociacionismo e Medios Comunitarios (2 horas); *Módulo 2:* Xornalismo e produción radiofónica (2 horas); *Módulo 3:* Realización e control técnico. (2 horas); *Módulo 4:* produción e realización no programa comunitario “Ar de Coruña” (4 horas). Os formadores dos diferentes módulos son: Mariano Fernandez, Fernando Souto, Isabel Iema, Tomi Legido, Bea Ulalume, Monica Alonso, Roberto Catoira, Alex Cortiñas, Roberto Ansedo, Diego de la Vega, Iván Loureiro, Óscar Castro e Antonio Prado.

- **Talleres específicos de formación especializada.** Durante a temporada 2014-2015 CUAC FM ofreceu ás súas persoas asociadas catro talleres de formación especializada:
 - 1) Formación para o uso do **estudio de grabación “Alexandre Bóveda”** (1-3 decembro 2014), cun total de 6 alumnos/as formados. Formadora: Ángela Triana.
 - 2) Formación para o **uso da unidade móbil** (23 de abril de 2015), cun total de 5 alumnos/as formados. Formadores: Alex Cortiñas e Chema Casanova.

- 3) Taller de “**Audacity**”, programa de software libre para a edición de audio (20 de decembro 2014), cun total de 4 alumnos/as formados. Formador: Patxi Múltiplex.
 - 4) “**Taller de coidado da voz**” (25 de abril 2014), cun total de 6 participantes. Formadora: Patricia Hidalgo.
- **Formación da nova mesa de son do estudo José Couso:** Dende setembro de novembro de 2015, como consecuencia do cambio de mesa de son, impartíronse cursos de formación para o control da nova mesa, capacitando a un total de 32 persoas.

ESCOLA DE RADIO E ASOCIACIONISMO

En 2014 comezou a andar un proxecto moi ambicioso que se chama “**Escola de Radio e asociacionismo**”, e que nace cos obxectivos de:



- 1) Favorecer o acceso e a participación activa da cidadanía aos medios de comunicación social co fin de promover e difundir a cultura galega a través das radios comunitarias;
- 2) Adquirir coñecementos básicos sobre radiodifusión e mellorar a formación en comunicación social e xornalismo dos socios/as de Cuac e da cidadanía .
- 3) Favorecer o coñecemento e dominio das técnicas de dinamización sociocultural.



En 2015 estivemos habilitando os espazos cedidos no módulo 2 da Zapateira para este fin coa realización das obras de acondicionamento. **Reciclamos a consola de emisión AEQ BC 500** para que sexa o corazón do estudio de formación, de xeito que sexa un simulador de estudio de radio perfectamente funcional. A través do convenio xa citado ca Fundación Paideia dotamos este espazo de acondicionamento acústico e dunha pantalla de visualización. Tamén habilitamos outro dos espazos cedidos coma **aula de formación teórica**, dotada cunha pantalla de visualización.

CUAC FM **inaugurou** o pasado 10 de decembro a escola nun acto no que participou a Vicerreitora de Estudantes, María Xosé Martínez, o alcalde da Coruña, Xulio Ferreiro, e representantes das entidades colaboradoras da escola de radio, como Paideia, Fundación La Caixa, Igalia, 10d10.

Actividades de formación desenvolvidas en colaboración con outras entidades

- **Obradoiro de Radio en colaboración co Centro Ágora (concello da Coruña)**

Os días 12 de xuño e 18 de setembro de 2015, CUAC FM impartiu na Ágora da Coruña dous obradoiros de 3 horas de duración cada un a un total de 20 mozos e mozas.. O programa incluíu formación básica en radiofonía (produción, locución e control técnico), comunicación e medios comunitarios.

- **Obradoiro de radioficción en colaboración coa Fundación Juan Soñador**

Non é un programa de radio. É un exemplo que como CUAC FM presta un servizo máis aló da radio. A colaboración consistiu no dinamización dun taller de radio e gravación no estudo Alexandre Bóveda de CUAC FM dunha *radionovela* creada, escrita e interpretada por un grupo de mozos en risco de exclusión social participantes un programa de integración social do barrio do orzán na Coruña coordinado pola Fundación Juan Soñador.

- **Colaboración coa Radio dos Gatos da Confederación ASPACE**

Durante o verán e outono de 2015 estableceuse unha colaboración entre CUAC FM e a Asociación de Pais de Persoas con Parálise Cerebral (ASPACE). Consistiu en varias visitas dalgúns dos integrantes de CUAC FM ás instalacións desta asociación en Casteliño (Sada), debidas a que fomos coñecedores de que levaban varios anos facendo un programa de radio semanal chamado *"La Radio de los Gatos"*. A finais de setembro un integrante de CUAC FM foi dar aos usuarios que participan no programa de radio unha breve charla cuns consellos básicos sobre a locución en radio e sobre a produción de programas de radio. E está previsto que nos próximos lles axudemos a mellorar o seu sistema de gravación do programa semanal, para que mellore a calidade do seu son e poidamos comezar a emitilo na nosa grella.

4. CONCURSO DE MAQUETAS CUAC FM (2015).

CUAC convocou en maio de 2015 a **XVII Edición do Concurso de Maquetas de CUAC FM**, que anualmente dende hai 17 anos vén convocando co obxectivo de apoiar aos músicos noveis e que conta, ademais, cun premio especial para a *"Mellor Banda Local"*. Os premios – cunha cuantía de 1.500 euros- entréganse durante a final do concurso de maquetas, nun concerto ofrecido polas dúas bandas finalistas, que se celebrou no mes de outubro na sala Mardi Gras da Coruña. Nesta edición as bandas finalistas foron Onion Smile de Pontevedra e Bento Veloso & Los Doce Trinches de A Coruña, gañando esta segunda o primeiro. Un terceiro premio entrégase á Mellor Banda Local, que recaeu en Perpetuo Socorro.



5. CELEBRACIÓN DO 20 ANIVERSARIO DE CUAC E DA GALA DOS OSCUACS 2015.

20 Aniversario do Colectivo de Universitarios Activos.

O Colectivo de Universitarios Activos cumpríu en xuño de 2015 o seu 20 aniversario como asociación e celebrámolo cunha serie de actividades de promoción da asociación:

- Concerto de THE TRUNKS + Gañadores Mellor Banda Local no noso XVI Concurso de Maquetas 2014 (Sala Mardi Gras, Vernes 12/04/2015)
- Brindis 20 aniversario. Luns 15 de xuño de 2015 ás 19:30 horas, día exacto da Constitución do Colectivo de Universitarios Activos. Nos estudos centrais da Zapateira xuntáronse Os socios fundadores e as e os diversos presidentes/as da asociación nos seus 20 anos de traxectoria.
- Encontro de socios e socias de CUAC FM no local social do centro. Sábado 21 de xuño de 2015. Encontro amenizado polo compañeiro de Falso Nueve e humorista Chusco Somoza.

Gala dos OSCUACS 2015

CUAC FM celebrou o pasado 12 de decembro a súa [Gala dos Oskuacs!](#) no que se premiou, con moi humor, boa competitividade e alegría, os mellores programas da emisora, este ano

cunha APP para votación en directo incluída!

Sempre recoñecemos o traballo dos novos socios e socias, por iso os premios aos “NOVATOS” levaron os maiores aplausos da noite. A Asociación CASCO recibiu o Óscuac honorífico en recoñecemento aos seus 25 anos de historia e a súa colaboración con CUAC FM no programa Ar de Coruña de 2015. Iso sí, o gran triunfador dos Osciucs 2015 foi o veteranismo programa de humor “para os que teñen aldea” **Manda Carallo**.



Foto de familia cos premiados na Gala dos Osciucs 2015

6. PROXECTOS DE I+D+I.

RADIOCO- Sistema de Grabación Automática de radio

CUAC FM puxo en funcionamento en 2015 o novo Sistema de Grabación Automática de Radio e Publicación de Podcasts “RADIOCO”, un proxecto desenvolvido en **colaboración coa Facultade de Informática da UDC e desenvolvido por Iago Veloso** para CUAC FM como Traballo Fin de Grado en Enxeñería Informática (<http://radioco.org>) e que CUAC implementou na súa Web: <https://cuacfm.org/radioco>.

RADIOCO permite escoitar e descargar todos os programas emitidos en CUAC FM dende a temporada 2015-2016. Dende setembro de 2015 solicitouse a todos os programas de Cuac FM que cumprimentasen unha ficha descriptiva do programa e dos seus integrantes, para facer a web máis atractiva para a audiencia. RADIOCO está integrada na web de Cuac

no apartado de programación.

En 2016 faranse novas melloras no programa e facilitarase a todos os programas as claves para poder incorporar a información de cada podcast e dos integrantes dos programas.

OS XÓVENES E O TERCEIRO SECTOR DA COMUNICACIÓN.

CUAC FM colabora co proxecto de investigación interuniversitario que desenvolven 14 investigadores de todo o Estado,. O estudo ten como obxectivos 1) analizar o grado de participación da mocidade nos medios comunitarios; 2) analizar o procesos formativo que recibe unha persoa cando se integra nun medio comunitario; 3) analizar as motivacións e aspiracións dos mozos/as para participar nun medio comunitario e 4) valorar a profesionalización do terceiro sector da comunicación en España. CUAC FM participou en dous **Grupos Focais** organizados polo proxecto en 2015. A Compañeira Isabel Lema Blanco, foi **integrante do equipo investigador** e presentou os resultados do proxecto en varios congresos internacionais. Os **resultados da investigación** están dispoñibles na web <http://jovenesytercersector.com>

7. PARTICIPACIÓN EN CONGRESOS E CONFERENCIAS.

CAPCHA CONFERENCE: "RADIO ARCHIVES IN EUROPEAN COMMUNITY MEDIA" (Halle, Alemaña, xuño, 2015).

CUAC participou na Conferencia Internacional sobre “arquivado de contidos radiofónicos nos medios comunitarios europeos” que organizou Radio Corax, a radio comunitaria de Halle (Alemaña), o 5 e 6 xuño de 2015. Os membros da coordinadora de tecnoloxía de CUAC FM, Chema Casanova e Fernando Souto, presentaron unha ponencia nomeada “From manual analogical recording to Radioco, our Free Software automatic digital archiving of live broadcasting system at CUAC FM” (“dende a grabación analóxica manual ao “Radioco”, un software libre para a grabación automática dixital da emisión en directo en CUAC FM”). Así mesmo, o sábado 6 de xuño, Chema Casanova, de CUAC FM, desenvolverá un obradoiro sobre: “How to setup your internet streaming to record and archive your audio streams” (“Como configurar o teu streaming de audio para gravar e arquivar a túa emisión por internet”).

CONGRESO INTERNACIONAL PSICOPEDAGOXÍA (A Coruña, setembro 2015).

CUAC FM participa no XIII [Congreso Internacional Galego-Portugués de Psicopedagogía](#) celebrado os días 2, 3 e 4 de setembro na facultade de Ccs da Educación da Universidade da Coruña. Isabel Lema Blanco, socia de CUAC FM presentou unha ponencia en dito congreso que versou sobre “**Os medios de comunicación comunitarios como espazos de educación non formal para os/as xóvenes**”, amosando aos asistentes exemplos de como as radios comunitarias se converten en auténticos espazos de

aprendizaxe para os mozos e adultos que, como socios ou voluntarios, participan activamente nun proxecto de comunicación social. Dito traballo esta publicado na *Revista de Estudios e Investigación en Psicología y Educación* e pode consultase na web: http://revistas.udc.es/index.php/reipe/article/viewFile/315/pdf_337

CONGRESO INTERNACIONAL DE INVESTIGACIÓN RADIOFÓNICA "RADIO DIVERSITY, INNOVATION & POLICIES" (Madrid, Outubro, 2015).

Cuac FM presentou no Congreso "Radio Research 2015" que se celebrou en Madrid os días 28 a 30 de outubro de 2015 a ponencia **"Be yourself in your language. Promoting minority languages through community media"** (*"Sé ti mesmo no teu idioma. Promoción das linguas minoritarias a través de medios de comunicación comunitarios"*), xunto con Miriam Meda (ex-secretaria xeral de AMARC-Europa e ex-presidenta da REMC). A compañeira de Cuac, Isabel Lema Blanco, amosou o traballo que dende o grupo de traballo sobre linguas minoritarias de AMARC-Europa están desenvolvendo co fin de promover o uso das linguas minoritarias nos medios de comunicación e poñer en valor o papel que os medios comunitarios desempeñan en Europa, preservando a identidade local da lingua e cultura nun contexto contemporáneo.

8. PARTICIPACIÓN EN XORNADAS E OBRADOIROS.

- **Palestra nas "I Jornadas de Medios de Comunicación Comunitarios y Ciudadanos y Universidad" (Sevilla, 2014).** Organizadas o 6 e o 7 de novembro de 2014 polo Foro Andaluz da Comunicación, Radiópolis e a **Universidade de Sevilla**, CUAC FM participou na mesa Marco legal: nivel europeo, latinoamericano y estatal, desenvolvendo a palestra **"Contexto normativo español despois da LXCA"** a cargo de Mariano Fernández Cabarcos.
- **Palestra sobre "A radio con enfoque de Dereitos Humanos" (Compostela, 2015):** CUAC FM participou no **V Seminario 'Xornalismo social e cooperación internacional'** organizado na USC pola Asemblea de Cooperación pola Paz e a Asociación Galega de Reporteiros sen Fronteiras (**AGARESO**). Alí estivo Mariano Fernández, xunto con representantes de emisoras comunitarias de Guinea Bissau, El Salvador e de Cuac FM nunha palestra sobre **"A radio con enfoque de Dereitos Humanos"**.
- **Palestra sobre "Iniciativas de cidadanía activa en Galicia" (Arteixo, 2015).** CUAC FM participou o 23 de abril nas **13 Xornadas de sensibilización Intercultural**, convidados pola ONG coruñesa **Ecos do Sur**, especializada en inmigración e integración social. A nosa compañeira Isabel Lema presentou o **proxecto de radio comunitaria de CUAC FM**, nunha palestra na que tamén interviron Marta Casal, en representación do colectivo Facilitación Galiza, Teresa Ubeira, Directora do Centro educativo O Pelouro e Teresa Fernández e Sonsoles Mosteiro, integrantes da Rede de Impulsores Sociais do Proxecto Agra Civis.

- **Palestra no “I Encontro Luso-Galaico de Radios Alternativas” (Ourense, 2015).** Celebrado en Ourense o 1 e o 2 de outubro, organizado polo colectivo Radio Fedello ao abeiro do programa Iniciativa Xove. CUAC FM participou na palestra Cuac FM: 20 anos revolucionando as ondas, a cargo de Isa Lema e Mariano Fernández.
- **Participación no II encontro Cidadanía e Comunicación -CIDEDEC (Compostela, 2015).** O proxecto Cidadanía e Educomunicación (CIDEDEC), desenvolvido por 5 grupos de investigación galegos, dentro da Rede Europa-América Latina de Comunicación e Desenvolvemento (REAL_CODE), organizou o II Encontro Cidadanía e Educomunicación: das representacións ás participacións. Celebrouse entre o 7 e o 9 de outubro na Facultade de Ciencias da Comunicación da Universidade de Santiago de Compostela (USC). No encontro participaron investigadores, comunicadores, organizacións sociais e activistas ligados aos catro grupos sociais cos que traballa o proxecto CIDEDEC: persoas con diversidade funcional, mulleres, infancia e xuventude, e persoas migrantes. CUAC FM participou representada por Mariano Fernández e Isabel Lema, na Mesa: Organizacións e Comunicadores, canda Ecos do Sur, A Rede de Mulleres contra os Malos Tratos de Vigo, o Sindicato de Xornalistas de Galicia, a Asociación Itinera e a Cidade da Cultura de Galicia.
- **Participación na “I Xornada de boas prácticas con Software Libre nas ONGs e Entidades de Acción Social” (Compostela, 2015).** Isabel Lema e Chema Casanova impartiron unha conferencia titulada “**Software libre nunha Radio Comunitaria: o caso de CUAC FM**” nunha xornada organizada pola Axencia para a Modernización Tecnolóxica de Galicia (AMTEGA) e que tivo lugar na Cidade da Cultura o xoves 22 de outubro de 2015.
- **Palestra no Centro Social A Comuna (A Coruña, 2015).** Os compañeiros Tomi Des Castro e Roberto Catoira impartiron unha palestra o xoves 22 de outubro sobre CUAC FM no Centro Social A Comuna convidadas por dita entidade social sobre “**CUAC FM: Proxecto e programación da nova tempada 2015-2016**”.

9. PARTICIPACIÓN DE CUAC FM NA REDE DE MEDIOS COMUNITARIOS (REMC) E TRABALLO XURÍDICO PARA A OBTENCIÓN DUNHA LICENCIA.

CUAC FM é unha das radios comunitarias que, a nivel estatal, impulsaron a creación e consolidación, dende o ano 2005 da Rede Estatal de Medios Comunitarios, desenvolvendo importantes funcións de asesoramento legal e representación institucional das radios comunitarias. No momento actual, ademais de formar parte do **Grupo de Traballo de Lexislación da REMC**, CUAC FM forma parte da **Xunta Directiva da REMC**, sendo responsable da Secretaría de Formación da Rede. Dentro desta iniciativa, no curso 2014-2015 dous representantes de CUAC FM participaron en:

- Na **Asemblea da REMC** celebrada en Sevilla en setembro de 2014. Nesta asemblea CUAC dinamizou o taller “Modelos de xestión de medios comunitarios” presentando os resultados do DAFO e do Taller de Futuro da ReMC celebrado durante o Encontro 14 (A Coruña, 11-14 de abril, 2014).

- Na **Asemblea da REMC** celebrada en Vitoria- Gasteiz os días 8-10 de maio de 2015. CUAC dinamizou o taller “Modelos de formación en radios comunitarias”.

Así mesmo, CUAC FM ten participado no **Proxecto Europeo COMEPEC** (Convocatoria Leonardo 2013-2015) levado a cabo por 11 asociacións diferentes de 10 países europeos, entre eles a Rede de Medios Comunitarios (REMC). No eido deste proxecto, CUAC FM foi sede dunha das reunións do consorcio Comepec, organizando en 2014 (10-14 de abril) o **Encontro Europeo de Medios Comunitarios** (www.encuentro14.org).

En 2015 CUAC elaborou a memoria de conclusións de dito Encontro (pendente de publicación) e participou nas tarefas de seguemento e auditoría externa do proxecto, celebrando unha reunión en A Coruña co auditor da Agencia Española responsable dos proxectos ERASMUS +.

TRABALLO XURÍDICO PARA A OBTENCIÓN DUNHA LICENZA DE FM.

Baixo o lema “**Queremos unha licenza de FM para a cidadanía coruñesa**” CUAC FM desenvolveu ao longo dos anos 2012 e 2013 unha campaña orientada a acadar algo polo que levamos loitando máis de 17 anos: unha licenza para a única radio comunitaria sen ánimo de lucro da cidade da Coruña. A Xunta de Galicia convocara no DOG de 30 de xullo de 2012 o concurso de licenzas para a FM (bases completas en <http://medios.xunta.es>) co que vai repartir todo o espectro radioeléctrico do que dispón (84 licenzas), excluindo explicitamente que tales licenzas poidan destiñarse a Servizos Comunitarios de Comunicación Audiovisual Radiofónica sen ánimo de lucro (base primeira das bases do concurso, segundo párrafo).

En Agosto de 2013 a Xunta de Galicia resolveu dito concurso no que se exclúe a CUAC FM das licencias outorgadas. CUAC FM, en coordinación coa Rede Estatal de Medios Comunitarios (REMC), continuou no presente exercicio, e continuará nos seguintes anos traballando no recurso contencioso administrativo interposto ante o Tribunal Superior de Xustiza de Galicia, que xa foi aceptado no seu día.

10. PARTICIPACIÓN DE CUAC FM NA ASOCIACIÓN MUNDIAL DE RADIOS COMUNITARIAS (AMARC).

CUAC é unha entidade socia de AMARC, a Asociación Mundial de Radios Comunitarias (www.amarc.org) e da súa filial europea, AMARC-Europa (<http://www.amarceurope.eu>). CUAC FM forma parte do Grupo de Traballo de AMARC-Europa sobre linguas minoritarias en Medios Comunitarios e, como resultado deste traballo, en xaneiro de 2014 **CUAC FM compareceu ante o Parlamento Europeo en Estrasburgo**, no marco dunha xuntanza do Intergrupo para as minorías tradicionais, comunidades nacionais e lingüísticas do

Parlamento Europeo. Sally Galiana (presidenta de AMARC-Europa) e Isabel Lema presentaron o documento de “recomendacións elaborado por AMARC Europa para a defensa da pluralidade e diversidade cultural nos medios de comunicación comunitarios”. En 2015 dito grupo de traballo ten impulsado unha análise do rol dos medios comunitarios en linguas minoritarias. Dito traballo foi presentado no Congreso de Radio Research (Madrid, 2015) pola compañeira Isabel Lema e Miriam Meda. Isabel Lema, participa en calidade de asesora do Board de AMARC-Europa.

11. ENCONTRO 14: PUBLICACIÓN DAS CONCLUSIÓNS DO ENCONTRO EUROPEO DE MEDIOS COMUNITARIOS.

Os días 11 a 14 de abril de 2014, CUAC FM, en colaboración coa Rede de Medios Comunitarios, celebrou na Coruña o “**Encuentro Europeo de Medios do Tercero Sector**” (<http://encuentro14.org>) que acolleu a máis de cen representantes do terceiro sector e a diversidade cultural nos medios de comunicación comunitarios”. En 2015 CUAC elaborou as conclusións de dito encontro editando unha publicación dixital que recolle os contidos máis significativos, as principais discusións e espazos de aprendizaxe celebrados durante o encontro, e as conclusións do escenario de futuro que os participantes deseñaron para o terceiro sector. As conclusións publicáronse na web: <http://encuentro14.org> e en <https://cuacfm.org>

12. COLABORACIÓNS CON OUTRAS ENTIDADES.

- Colaboración coa **ONG ecoloxista ADEGA** para a reemisión dos podcasts de “Radio Cerna”.
- Colaboración coa **ONG Amnistía Internacional** para a emisión semanal do “Boletín Informativo Amnistía Internacional”
- Colaboración coa **Facultade de Ciencias da Comunicación da USC** para o desenvolvemento de prácticas e traballos de estudantes de xornalismo sobre medios comunitarios.
- Colaboración ca **Fundación Paideia** para o equipamento e acondicionamento acústico das instalacións de CUAC FM e da Escola de Radio e Asociacionismo.
- Colaboración coa **Agrupación Cultural Alexandre Bóveda** coa que compartimos parte do seu local do centro da Coruña no que se organizan diversas xornadas, actividades culturais e xuntanzas de coordinación.
- Colaboración coa **Facultade de Informática da UDC** para o desenvolvemento de traballos de fin de grado como o xa aprobado RADIOCO.



Calendario 2016 CUAC FM Conmemorando o noso XX Aniversario



Imaxe tras unha Asemblea de persoas asociadas celebrada no CUR. Setembro 2014